



Conselh Generau d'Aran

"BASES ESPECIFIQUES ENTAR AUTREJAMENT D'AJUDES AS ESPORTISTES ESTUDIANTS D'ARAN ENTATH CORS ACADEMIC 2024/2025

Article 1. Objècte.

Er objècte d'aguestes bases ei regular era concession d'ajudes e subvencions economiques qu'autrege eth Conselh Generau d'Aran as joeni esportistes d'Aran qu'agen projeccion entath nau nivèl esportiu, e a coma objectiu motivar era contunhutat dera sua carrèra esportiva mentre estudièn entar assoliment dera categoria d'esportistes de naut rendiment en un futur.

Article 2. Nòrmes generaus.

Era ajuda individuau l'a de sollicitar er esportista, o era familha se ei menor d'edat, mejançant eth modèu establít as efèctes e er autrejament se determine en foncion des règles deth barèm qu'establisson aguestes bases, eth quau a en compde eth nivèl esportiu actuau e era situacion academica. Entà poder avalorar era situacion cau presentar era documentacion que se demane en apartat 7.3 d'aguestes bases.

Article 3. Beneficiaris.

Son beneficiaris es joeni aranesi qu'estúdien ensenhaments obligatòris (ESO) o post obligatòris (Titulacions de Tecnicos Esportius (ETEVA), Cicles Formatius o Estudis Universitaris), entre es 12 e es 22 ans, e que siguen esportistes en actiu.

Ad aguest efècte, calerà qu'es beneficiaris siguen residents en Aran, damb un empadronament minim en quaqu'un des municipis aranesi pendent un minim des dus (2) ans immediatament anteriors ad aguesta convocatòria.

Article 4. Requisits o condicions.

4.1. Es beneficiaris an de complir es requisits següents:

- Auer presentat enes tèrmes establít, era sollicitud e era documentacion sollicitada. Totes aqueres sollicituds entregades dehòra de tèrme sense causa justificada se consideraran denegades. Sonque s'acceptaran es sollicituds que complisquen damb çò qu'establis eth punt 10.2 d'aguestes bases.
- Èster esportistes en actiu e obtier era puntuacion minima fixada entà cada tipe de beca ena taula der article 10.
- Èster matriculadi en quaqu'un des estudis especificats en article 3 d'aguestes bases e complir damb es es condicionants fixats ena basa 10.2.b).

4.2. Non se poderàn acuelher ad aguesta convocatòria es joeni que figuren en BOE o en DOGC coma esportistes de naut nivèl, tostemps e quan es esportistes catalogats reciben ajudes economiques dirèctes deth Conselh Català de l'Esport o deth Consejo Superior de Deportes, donques s'entèn que dejà an obtengut er objectiu principau entath quau s'establisson aguestes ajudes deth Conselh Generau d'Aran.

4.3. Era ajuda serà compatible damb quincevolh auta ajuda que se pogue recéber, pera madeisha finalitat, d'outes entitats o persones publiques o privades, en tot exceptuar es contractes de patrociní qu'establis eth Conselh Generau d'Aran entara difusion internacionau d'Aran a través der espòrt. En cas cas er impòrt dera ajuda concurrent non poirà superar eth còst dera activitat que realizen es esportistes.

Article 5. Impòrt des ajudes e finançament.

Er impòrt dera ajuda individuau que pertòque a cada beneficiari depèn deth tipe de beca obtengut segontes es punts des taules de barèm expausades en aguestes bases.

Tipe de Beca	Impòrt
Beca A	1.500,00 €
Beca B	750,00 €

Er autrejament

dera ajuda ei limitat ara disponibilitat pressupostària deth Conselh Generau d'Aran ena aplicacion pressupostària 01.341.481.01 deth pressupòst generau vigent dera Corporacion entar exercici 2024, enquiara quantitat maxima de vint-e-quate mil cinc cents euros (24.500,00 €). En cas que



Conselh Generau d'Aran

s'arribe ath limit dera aplicacion pressupostària se priorizaran es ajuts qu'agen obtengut ua major valoracion ena aplicacion des critàris nomentadi.

Article 6. Comission Tecnica d'avaloracion.

Se cree ua Comission Tecnica d'Avaloracion qu'aurà coma objectiu avalorar totes es peticions e hèr era prepausa d'autrejament des ajudes. Atau madeish, serà era encargada de hèr eth seguiment des ajudes autrejades.

Era Comission Tecnica d'Avaloracion ei compausada peth Conselhèr competent en matèria d'Espòrts deth Conselh Generau d'Aran, eth Secretari generau, er Interventor de hons, un profesionau der ambit der espòrt designat en moment dera convocatòria e per un foncionari dera Corporacion, qu'actuarà coma secretari.

Article 7. Procediment.

7.1. Eth Conselh Generau d'Aran darà informacion, facilitarà es bases e es formularis dera presenta convocatòria a quinsevolha persona que sigue interessada ena ajuda.

7.2. Es familhes e/o usatgèrs interessadi en recéber era ajuda auràn de hèr era sollicitud damb eth formulari normalizat que s'adjunh coma anèx 1, on constarà era demanda concrèta e se presentarà en Registre d'entrada deth Conselh Generau d'Aran.

7.3. Damb era sollicitud auràn de presentar era documentacion següenta:

1) Documentacion generau.

- a) Formulari de sollicitud des ajudes as esportistes estudiants d'Aran segontes modèl normalizat (s'adjunh coma annèx 1).
- b) Fotocòpia compulsada deth DNI/NIE/passapòrt der esportista.
- c) Fotocòpia compulsada deth DNI/NIE/passapòrt deth pare/mare, tutor/a o persona responsabla der esportista, en cas de tractar-se d'un menor.
- d) Fotocòpia compulsada deth libre de familha, en cas de tractar-se d'un menor. Se non n'a, calerà presentar fotocòpia deth certificat de neishença.
- e) Certificat istoric d'empadronament.

2) Documentacion especifica:

- a) Certificat d'ua entitat esportiva on còste qu'er esportista a era llicència esportiva e on figuren es resultats esportius que s'utilizaràn entara puntuacion.
- b) Certificat deth centre educatiu on còste qu'eth beneficiari ei matriculat en cors actuau e qu'a superat eth cors anterior.

7.4. Un còp recebudes es instàncies, es tecnicos deth Conselh Generau d'Aran, damb prealable estudi des besonhs deth cas, redigiràn un informe en tot aplicar es barèms d'aguestes bases e lo presentaràn ara Comission Tecnica d'Avaloracion entà que sigue avalorat e se hèsque era prepausa d'autrejament d'ajudes ath Conselh de Govèrn deth Conselh Generau d'Aran, que serà er organ encargat dera resolucion d'aguestes ajudes.

Article 8. Condicions der autrejament.

Er autrejament dera ajuda ei entà un (1) cors academic (2024/2025) e non se prorrògue ne pressupòse er autrejament entà cap auta anualitat.

Article 9. Tèrme de presentacion de sollicituds.

9.1. Es sollicituds de subvencion se poderàn presentar laguens des tèrmes que s'establisquen en acòrd de convocatòria d'aguestes subvencions.

9.2. Es sollicituds e era rèsta de documentacion requerida, se presentarà en Registre deth Conselh Generau d'Aran o pes mieis qu'establís er article 16.4 dera Lei 39/2015, deth Procediment Administratiu Comun des Administracions Publiques, laguens deth tèrme establít ena basa 10.1



Conselh Generau d'Aran

Article 10. Critèris entar autrejament des ajudes.

Entar autrejament des ajudes as esportistes estudiants d'Aran se tierà en compde era puntuacion arthenhuda e era superacion des estudis, segontes es criteris següents:

10.1 Entath calcul deth nivèl esportiu se puntuarà ar esportista segontes era taula der article 11 d'aguestes bases, en tot préner coma referéncia eth mielhor resultat arthenhut en cada grop de competicion ena darrèra sason esportiva finalizada immediatament anteriora ara data de presentacion dera sollicitud. Es tres (3) puntuacions obtiengudes se somaràn e s'obtierà un totau. Es punts totaus minims a obtfer entà cada tipe de beca e edat son es següents:

EDAT	BECA A	BECA B
Menors de 18 ans	11 punts o mès	7 punts o mès
De 18 a 22 ans	19 punts o mès	11 punts o mès

10.2 Entà establir era situacion academica, calerà auer es dues condicions següentes:

a) Corsar actuaument quaqu'un des estudis establits en article 3 d'aguestes bases.

b) Auer aprovat eth percentatge d'assignatures que s'indiquen ara seguida:

- En cas d'èster corsant estudis d'ESO o Bachilerat, auer aprovat totes es assignatures matriculades en cors anterior ar actua.
- En cas d'èster corsant estudis universitaris:
 - Carrères techniques: Ester matriculadi en un minim deth 50% de assignatures e auer aprovat eth 70% des credits matriculadi en cors anterior ar actua.
 - Carrères umanistiques, sociaus, letres: Ester matriculadi en un minim deth 50% de assignatures e auer aprovat eth 80% des credits matriculadi en cors anterior ar actua.

Article 11. Barèms de puntuacion.

Entar autrejament des ajudes as esportistes estudiants de l'Aran entath cors academic 2024/2025 se tierà en compde era puntuacion generau obtenguda, d'acòrd damb çò que seguís:

Es barems que seguissen, dat que perseguissen eth madeish objectiu, son es madeishi qu'es definits en Decret 337/2002, de 3 de deseme, sus eth nau rendiment esportiu, deth Departament de Cultura dera Generalitat de Catalunya, segontes era taula 1 relativa as espòrts individuaus sense enfrontament eliminatòri dirècte, e en tot considerar es grops 1, 2 e 3 coma competicion internacionau, eth grop 4 coma estatau e eth grop 5 coma autonoma.

A. Taula de puntuacion segontes resultats esportius entà menors de 18 ans:

Grop de competicion	1èr-3au lòc	4au-8au lòc	9au-16au lòc	Participacion
Internacionau	15 punts	5 punts	3 punts	2 punts
Estatau	5 punts	3 punts	2 punts	1 punt
Autonoma	3 punts	2 punts	1 punt	0 punts

B. Taula de puntuacion segontes resultats esportius entà 18 a 22 ans:

Grop de competicion	1èr-3au lòc	4au-8au lòc	9au-16au lòc	Participacion
Internacionau	25 punts	10 punts	5 punts	3 punts
Estatau	10 punts	5 punts	3 punts	2 punts
Autonoma	5 punts	3 punts	2 punts	1 punt



Conselh Generau d'Aran

- C. Entà competicion internacionau se consideraràn es campionats e es resultats finaus des copes o ligues oficials dera federacion internacionau e europèa. Atau madeish, tanben s'i includiràn d'aites pròves internacionaus se non existís eth campionat o era copa corresponenta ara categoria der esportista, totemp e quan siguen es mès relevantes dera federacion internacionau, i participen coma minim 3 païsi, seleccions e esportistes plaçats entre es dètz melhors deth ranquing mondiau dera categoria.
- D. Entà competicion estatau se consideraràn es Campionats d'Espanha e es resultats finaus dera Copa/Liga d'Espanha dera categoria corresponenta ar esportista.
- E. Entà competicion autonoma se consideraràn es Campionats de Catalonha e es resultats finaus dera Copa/Liga Catalana dera categoria corresponenta ar esportista.

Coeficients Correctors entàs Disciplines Esportives

Entà promòir ua distribucion equitativa e proporcionau des recorsi, s'aplicarà un sistèma de coeficients correctors basat en eth nombre de licéncias de cada disciplina esportiva.

- Disciplines damb mès de 10.000 licéncias: Coeficient de basa 2

Era puntuacion final se calcularà en tot multiplicar era puntuacion obtenuda enes Taules de Barèms peth Coeficient de Basa de 2.

Article 12. Ajudes excepcionaus.

A critèri dera Comission Tecnica d'Avaloracion, se poderàn autrejear ajudes excepcionaus quan per motius de lesion der esportista o d'aites situacions extraordinàries non s'artenhe era puntuacion minima establida, totemp e quan i age donades de sasons anteriores que poguen justificar eth nivèu esportiu e se complisquen es condicions academiques.

Article 13. Organ resolutori.

Eth Conselh de Govèrn deth Conselh Generau d'Aran damb era prepausa dera Comission Tecnica d'Avaloracion dictarà era resolucio sus er autrejament des ajudes.

Article 14. Notificacion

Era resolucio serà notificada as personas interessades.

Article 15. Forma de pagament

Es ajudes es formalitzaran en un solet pagament en tèrme d'un (1) mes a compdar dera resolucio d'autrejament dera subvencion.

Era quantia dera subvencion se harà efectiva damb era prelabla retencion legau der Impòst sus era Renda des Personas Fisiques (IRPF) d'acòrd damb era normativa legau vigenta.

Article 16. Tractament des donades.

En aplicacion de çò qu'establís er article 5 dera Lei Organica 15/1999, de 13 de deseme, de proteccion de donades de caractèr personau, cau informar qu'es donades de caractèr personau que s'an de facilitar entà obtier aquesta subvencion s'includiràn enes sistèmas de tractament de donades deth Conselh Generau d'Aran e auràn coma finalitat era avaloracion der accés as ajudes, e es unics destinataris seràn es organs gestors indicats en aquestes bases.

Article 17. Tèrme de resolucio e notificacion.

Eth tèrme maxim entà resólvèr serà de dus (2) mesi a compdar dera finalizacion deth tèrme de presentacion de sollicituds. Era manca de resolucio laguens d'aquest tèrme aurà caractèr desestimatori.

Article 18. Fin dera via administrativa.



Conselh Generau d'Aran

Er acte de resolució dera subvenció acaba era via administrativa. Cossent damb çò que dispausa er art.123 e 124 dera Lei 39/2015 deth Procediment Administratiu Comun des Administracions Publiques, se poirà interpausar recors potestatiu de reposicion en tèrme d'un (1) mes a compdar deth següent ath dera recepció dera notificació, o ben dirèctament recors contenciós administratiu dauant deth Jutjat Contenciós Administratiu de Lleida.

Article 19. Normativa supletòria.

En tot çò non previst en aquestes bases especificas seràn d'aplicacion es Bases Generaus d'autrejamet de subvencions deth Conselh Generau d'Aran, era Lei 38/2003, de 17 de noveme, Generau de Subvencions, e eth Reial Decret 887/2006, de 21 de junhsèga, peth quau s'apròve eth Reglament dera Lei Generau de Subvencions."

Article 20. Transparéncia.

Er article 55.2 dera Lei deth Parlament de Catalunya 19/2014, de 29 de deseme, de transparéncia, accés ara informacion e bon govèrn, dispausa qu'es administracions e es organismes comprenudi en ambit d'aplicacion d'aquesta lei an d'inclodir, enes plects de clausules contractuaus e enes bases de convocatòria de subvencions o ajuts, es principis etics e es regles de conducta as quaus an d'adequar era activitat es contractistes e es personas beneficiàries, e an de determinar es efèctes d'un eventuai incompliment d'aquesti principis. As efèctes de dar compliment ara nomenada obligacion legau, s'incorpòre era clausula annèxa.

PRINCIPI ETICS E REGLES DE CONDUCTA AS QUAUS ES BENEFICIARIS DE SUBVENCIONS DETH CONSELH GENERAU D'ARAN AN D'ADEQUAR ERA SUA ACTIVITAT

1. *Es beneficiaris de subvencions deth Conselh Generau d'Aran adoptaràn ua conducta eticament exemplara e actuaran entà evitar era corrupcion en quinsevolha de totes es sues possibles formes.*
2. *En aquest sentit –e ath marge d'aqueri auti deures vinculadi ath principi d'actuacion nomenat en punt anterior, derivats des principis etics e des regles de conducta as quaus es licitadors e es contractistes an d'adequar era sua activitat- assumissen particularament es obligacions següentes:*
 - a) *Comunicar immediatament ar òrgan de contractacion es possibles situacions de conflicte d'interèssi*
 - b) *Non sollicitar, directament o indirectament, qu'un cargue o empleat public influísque en autrejamet des subvencions*
 - c) *Non aufrir ne facilitar a cargues o empleats publics avantatges personaus o materiaus, ne per eri madeishi ne entà personas vinculades damb eth son entorn familiar o sociau*
 - d) *Non realizar quinsevolha auta accion que pogue vulnerar es principis d'igualtat d'oportunitats e de liure concurréncia*
 - e) *Non realizar accions que meten en risc er interès public*
 - f) *Respectar es principis de liure mercat e de concurréncia competitiva, e abstier-se de realizar conductes qu'agen per objècte o poguen produsir er efècte d'impedir, restringir o falsejar era competéncia, coma per exemple es comportaments collusòris o de competéncia fraudulenta (aufèrtes de resguard, eliminacion d'aufèrtes, assignacion de mercats, rotacion d'aufèrtes, etc.). Atau madeish, denunciar quinsevolh acte o conducta dirigits a aquères finalitats e relacionats damb era licitacion o eth contracte des quas n'auèsse coneishement*
 - g) *Non utilizar informacion confidencial, coneishuda mejançant era subvenció, entà obtier, directament o indirectament, un avantatge o benefici economic en interès pròpri*
 - h) *Observar es principis, es normes e es canons etics pròpris des activitats, es oficis e/o es professions corresponentes as subvencions autrejades*
 - i) *Collaborar damb era Corporacion enes actuacions que aquest realize entath seguiment e/o avaloracion deth compliment dera subvenció, particularament facilitant era informacion que le sigue sollicitada entà aquestes finalitats*
 - j) *Denunciar es actes des quaus n'agen coneishement e que poguen comportar ua infracció des obligacions contingudes en aquesta clausula*



Conselh Generau d'Aran

3. *Er incompliment de quinsevolha des obligacions contiengudes en anterior apartat 2 per part des beneficiaris de subvencions deth Conselh Generau d'Aran, serà causa de revocacion dera subvencion, sense perjudici d'aqueres autas possibles consequéncias previstes ena legislacion vigenta.*



Conselh Generau d'Aran

SOLLICITUD D'AJUDES INDIVIDUAUS AS ESPORTISTES ESTUDIANTS D'ARAN

Donades der esportiste o dera persona qu'ei titular dera pàtria potestat o tutèla (en cas de menors)

Cognòms e nòm: _____ DNI/NIE/passapòrt: _____ Adreça: _____
Poblacion: _____
Còdi postau: _____ Telefòns de contacte: _____

Donades dera/des persona/es beneficiària/es

Cognòms e nòm	Data de neishement	Cors academic: 2024/2025	Esport	Club

Declarì jos era mia responsabilitat:

Que son cèrtes es donades consignades en aguesta sollicitud e sò coneishedor dera obligacion de comunicar ath Conselh Generau d'Aran quinsevolha variacion que se podesse produsir d'ara entà deuant.

Autorizi:

- a) Ath Conselh Generau d'Aran, entà qu'en cas d'autrejament dera ajuda, l'ingrèsse dirèctament en següent numerò de compde:

ENTITAT BANCÀRIA O
CAIXA D'ESTALVIS

CÒDI D.C. PAÍS

CODI ENTITAT

OFICINA NUMERÒ

D.C. COMPDE CORRENT

- b) Ath Conselh Generau d'Aran entà que pogue demanar informacion a d'autres administracion publiques entà poder autejar era concession d'aguestes ajudes.
- c) Ath Conselh Generau d'Aran a facilitar es donades aportades a quinsevolha auta administracion o organisme a condicion que se requerisque exprèssament entath compliment des sues obligacions especificques.

Solliciti:

A trauès dera signatura dera presenta sollicitud e damb era documentacion requerida entà participar en aguesta convocatòria, que se dongue cors ara mia sollicitud d'ajuda individuau as esportistes estudiants d'Aran.

Vielha, __ de ____ de 20__

SINDICA D'ARAN



Conselh Generau d'Aran

Documentacion generau que cau liurar damb era sollicitud:

1) Documentacion generau.

- a) Formulari de sollicitud des ajudes as esportistes estudiants d'Aran segontes model normalizat (s'adjunh coma annèx 1).
- b) Fotocòpia compulsada deth DNI/NIE/passapòrt der esportista.
- c) Fotocòpia compulsada deth DNI/NIE/passapòrt deth pare/mare, tutor/a o persona responsabla der esportista, en cas de tractar-se d'un menor.
- d) Fotocòpia compulsada deth libre de familha, en cas de tractar-se d'un menor. Se non n'a, calerà presentar fotocòpia deth certificat de neishença.
- e) Certificat istoric d'empadronament.

2) Documentacion especifica:

- a) Certificat d'ua entitat esportiu on còste:
 - Qu'er esportista a era licéncia esportiva
 - Eth melhor resultat esportiu entà cada grop de competicion (internacionau, estatau, autonoma) dera sason 2023-2024 (o dera darrèra sason dejà finalizada), que s'utilizaràn entara puntuacion.
- b) Certificat deth centre educatiu on còste:
 - Qu'eth beneficiari ei matriculat en cors 2024-2025.
 - Es nòtes o era certificacion qu'a superat eth cors 2023-2024.

En compliment dera Lei 15/1999, de 13 de deseme, de Proteccion de Donades de Caractèr Personau (LOPD), l'informam qu'es donades que mos proporcione autan en aquest moment coma posteriorament e aqueres qu'obtiengam pendent era vigéncia deth madeish, seràn objècte de tractament e s'incorporen en fitxer denominat "SUBVENCIONS" eth responsable deth quau ei eth Conselh Generau d'Aran, damb demorança en Vielha, Passeg dera Libertat num. 16.

Es destinataris dera informacion son toti es departaments enes quaus s'organize eth responsable e era finalitat dera recuelhuda ei eth tractament des donades personaus de besonh entara tramitacion des subvencions atreujades peth Conselh Generau d'Aran, atau com eth sòn mantienement, desenvolopament, compliment, contròtle, shampliment e mielhora.

Damb era signatura deth present document, atau com damb era remission de quinsevolha informacion mejançant quinsevolh tipe de formulari, en papèr o electronic, per correu postau o electronic, fax, SMS o d'auetes mieis equivalents, er usatgèr prèste exprèssament e de forma inequívoca eth sòn consentiment (art. 6 LOPD) entà que totes es sues donades de caractèr personau siguen incorporades se ei de besonh en fitxer deth responsable e tractades damb es finalitats establides.

Er afectat poderà dirigir-se ath responsable entà exercir es sòns drets d'accés, rectificacion, cancellacion e oposicion ath sòn tractament e cession, atau com eth dret a revocar eth consentiment, per miei d'ua sollicitud escrita e signada dirigida ara Secretaria deth Conselh Generau d'Aran. Era sollicitud aurà de contier eth nòm, cognòms, domicili as efèctes de notificacions, còpia deth DNI o document anàlog e quin ei eth dret que se vò exercitar